



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-336-5/26**

Datum: **13.08.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „IKAN“ d.o.o. Zavidovići za donošenje rješenja o vodnoj saglasnosti za aktivnost vađenja materijala iz korita rijeke Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9, na osnovu člana 139. stav (1) tačka 6. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) **donosi**

R J E Š E N J E **o vodnoj saglasnosti**

1. Pravnom licu „IKAN“ d.o.o. Zavidovići daje se vodna saglasnost za aktivnost vađenja materijala iz korita rijeke Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9, prema tehničkoj dokumentaciji:
 - *Elaborat – Vađenje materijala iz vodotoka Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9, urađen od strane „IBIS“ d.o.o. Zavidovići, juni 2026. godine,* a u cilju ostvarivanja prava na vađenje materijala u približnoj količini od 4350 m³ na dijelu zemljišnih čestica označenih kao k.č. broj: 1916 K.O. Donja Svinjašnica i k.č. 1762 K.O. Krivaja, grad Zavidovići, dodijeljenog Ugovorom broj: 30-721-37/26 od 09.06.2026. godine.
2. Vodna saglasnost se izdaje na određeno vrijeme i prestaje važiti 31.12.2026. godine, a sve u skladu sa članom 8. Ugovora broj: 30-721-37/26 zaključenog dana 09.06.2026. godine između „Agencije za vodno područje rijeke Save“ Sarajevo i pravnog lica „IKAN“ d.o.o. Zavidovići.
3. Ova vodna saglasnost se odnosi isključivo na aktivnosti obrađene kroz Elaborat naveden u tački 1. dispozitiva Rješenja.
4. Vodna saglasnost se donosi na osnovu utvrđenog činjeničnog stanja i dostavljene tehničke dokumentacije iz tačke 1. dispozitiva ovog Rješenja. Navedena tehnička dokumentacija čini sastavni dio ovog Rješenja, ovjerena je od strane ove Agencije u skladu sa odredbama člana 114. stav (3) Zakona o vodama i vraća se podnosiocu zahtjeva na trajno čuvanje.
5. Vodna saglasnost se donosi pod sljedećim uslovima koje treba ispuniti u toku i nakon izvođenja radova na predmetnom lokalitetu:
 - 5.1. Da se uklanjanje materijala iz korita rijeke Krivaje na lokalitetu Pjenovac, 14 km uzvodno od Zavidovića, Grad Zavidovići vrši u svemu prema ovjerenom Elaboratu iz tačke 1. dispozitiva ovog Rješenja, uslovima iz ove vodne saglasnosti i odredbama Ugovora broj: 30-721-37/26 zaključenog dana 09.06.2026. godine sa Agencijom.
 - 5.2. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa izvađenog materijala, a za što je odgovoran Izvođač radova i Nadzorni organ imenovan od strane Agencije.
 - 5.3. Ukupna količina materijala (približno 4350m³) koja je obuhvaćena ovom vodnom saglasnošću mora obavezno da se izvadi iz korita rijeke Krivaje na lokalitetu Pjenovac, 14 km uzvodno od Zavidovića, do roka propisanog članom 8. Ugovora tj. do 31.12.2026. godine.
 - 5.4. Korisnik je dužan da uredno vodi dnevnik rada sa tačno definisanim lokalitetom iskopa, dubinom iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 5.5. Korisnik je obavezan u roku od 15 dana od dana prijema ovog vodnog akta dostaviti vremenski plan vršenja radova na vađenju materijala u skladu sa tačkom 3.1. Rješenja o prethodnoj vodnoj saglasnosti broj: UP-1/21-1-40-124-4/26 od 21.04.2026. godine, a o datumu početka radova pismeno obavijestiti ugovorni organ radi uvođenja u ugovorene radove, a sve u skladu sa članom 12. Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
 - 5.6. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl., a građevinsku mehanizaciju, skladište

- tečnih goriva i maziva smjestiti izvan nivoa dopiranja velikih voda rijeke Krivaje.
- 5.7. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda rijeke Krivaje, a u skladu sa važećim propisima o postupanju sa otpadom.
 - 5.8. Izvođač radova je obavezan svakodnevno voditi evidenciju vađenja materijala sa tačnim količinama izvađenog materijala na obrascu građevinskog dnevnika, a u skladu sa Uredbom o uređenju gradilišta, obaveznoj dokumentaciji na gradilištu i učesnicima u građenju („Službene novine Federacije BiH“, broj 99/14).
 - 5.9. Namjeravano vađenje materijala treba da se vrši u skladu sa dokumentom „Saglasnost“ za vađenje šljunka iz rijeke Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9, broj: 23/26 izdatom dana 06.07.2026. godine od strane UG Sportskih ribolovaca „KRIVAJA“ Zavidovići.
 - 5.10. Korisnik vodne saglasnosti je u obavezi da obezbijedi stručno lice geodetske struke sa osnovnim zadatkom kontinuiranog praćenja tačnosti kota i geometrije korita na terenu prilikom izvođenja radova u odnosu na podatke date u Elaboratu, kao i praćenja količina materijala koje se u toku dana izvade.
 - 5.11. Zagate, napere i pomoćne objekte i zahvate u koritu koji prilikom vađenja materijala iz korita služe za lakše izvođenje određenih radova, izvesti na način da isti što manje ugrožavaju proticajni profil rijeke Krivaje a nakon završetka radova iste je potrebno ukloniti i korito, obale i okolni teren dovesti u prvobitno stanje. Zabranjeno je deponovanje materijala (privremeno i trajno) na mjestu vađenja, te je isti nakon kratkog procjeđivanja potrebno odvoziti na planiranu deponiju lociranu izvan inundacionog pojasa rijeke Krivaje (plavnog područja).
 - 5.12. Materijal iz korita koji nema upotrebnu vrijednost (mulj, jalovina, rastinje, krupno kamenje, zemlja i sl.), a koji se u postupku vađenja materijala u cilju obezbjeđenja proticajnog profila uklanjanja, potrebno je propisno zbrinuti izvan inundacionog pojasa rijeke Krivaje.
 - 5.13. U toku izvođenja radova na vađenju materijala Izvođač radova je dužan održavati u ispravnom stanju pristupnu saobraćajnicu i nakon završetka radova obavezan je da teren i pristupnu saobraćajnicu dovede u prvobitno stanje.
 - 5.14. Po završetku vađenja materijala, isteka vodne saglasnosti ili raskida Ugovora, korisnik vodne saglasnosti je dužan uraditi kontrolni Elaborat izvađenih količina materijala iz korita, tj. izvršiti kontrolno geodetsko snimanje poprečnih profila u skladu sa izdatom vodnom saglasnošću, a dokumentaciju o izvršenom kontrolnom snimanju sa bilansom masa dostaviti Agenciji kao ugovornom organu u pisanom obliku i elektronskoj formi.
 - 5.15. Vađenje materijala vršiti isključivo prema snimljenom uzdužnom profilu i poprečnim profilima počevši od nizvodnog profila i gurajući materijal u trakama odgovarajućom mehanizacijom (buldozer ili bager-rovokopač).
 - 5.16. Transport i manipulacija se vrši samo sa prethodno ocijedenim materijalom zbog mogućnosti prljanja kolovoznih površina na koje se pristupna saobraćajnica priključuje.
 6. Korisnik ove vodne saglasnosti dužan je dostaviti Agenciji mjesečni izvještaj – popunjen i ovjeren obrazac „IMV“ o izvađenim količinama materijala iz korita rijeke Krivaje, a plaćanje posebne vodne naknade u iznosu od 7,20 KM po 1m³ za izvađene količine materijala izvršiti na način definisan članom 4. Ugovora broj: 30-721-37/26 zaključenog dana 09.06.2026. godine sa Agencijom.
 7. Materijal izvađen po osnovu ove vodne saglasnosti, Ugovora zaključenog između Agencije i „IKAN“ d.o.o. Zavidovići, za koji je od strane izvođača radova izvršeno plaćanje naknade iz člana 4. navedenog Ugovora, postaje vlasništvo izvođača radova.
 8. Ukoliko se prije početka kao i u toku provođenja aktivnosti na vađenju materijala na predmetnom lokalitetu Pjenovac, 14 km uzvodno od Zavidovića, grad Zavidovići, utvrdi da nije moguće realizovati planirane aktivnosti zbog pristupne saobraćajnice do lokaliteta vađenja materijala, Izvođač radova je dužan riješiti imovinsko-pravne odnose sa vlasnicima i posjednicima zemljišta na zemljišnim česticama u roku koji mu propiše Agencija ili u suprotnom gubi pravo na vađenje materijala dodijeljeno ovim vodnim aktom.
 9. Ova vodna saglasnost, ovjereni Elaborat iz tačke 1. Rješenja i Ugovor o vađenju materijala zaključen sa Agencijom moraju se nalaziti na mjestu izvođenja radova, a za što je odgovorno ovlašteno lice Izvođača radova.
 10. Ukoliko se, kao posljedica radova, oštetiti korito i obale rijeke Krivaje u zoni izvođenja radova ili nanese štete trećim licima, sva oštećenja se moraju sanirati i štete nadoknaditi o vlastitom trošku Izvođača radova.

11. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti za sprečavanje širenja onečišćenja i na otklanjanju uzroka onečišćenja.
12. Korisnik prava iz ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
13. Prava stečena po ovoj vodnoj saglasnosti ne mogu se prenositi na treća lica, a ista prestaju u skladu sa odredbama Zakona o vodama.

Obrazloženje

Pravno lice „IKAN“ d.o.o. Zavidovići se dana 09.07.2026. godine pismenim zahtjevom obratilo ovoj Agenciji tražeći izdavanje vodne saglasnosti za aktivnost vađenja materijala iz rijeke Krivaje na lokalitetu Pjenovac, 14 km uzvodno od Zavidovića, grad Zavidovići, prema dokumentaciji: *Elaborat – Vađenje materijala iz vodotoka Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9, urađen od strane „IBIS“ d.o.o. Zavidovići, juni 2026. godine*, a u cilju ostvarivanja prava na vađenje materijala na dijelu zemljišnih čestica označenih kao k.č. broj: 1916 K.O. Donja Svinjašnica i k.č. 1762 K.O. Krivaja, grad Zavidovići, dodijeljenog Ugovorom broj: 30-721-37/26 od 09.06.2026. godine. Uz zahtjev je dostavljena sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-20-000687 izdatog dana 21.07.2020. godine od strane Općinskog suda u Zenici,
- Ovjerena kopija Rješenja o registraciji poreznog obveznika broj: 043-0-Reg-16-000255 izdatog dana 21.03.2016. godine od strane Općinskog suda u Zenici,
- Ovjerena kopija Aktuelnog izvoda iz sudskog registra broj: 061-0-RegZ-26-001803 od 30.04.2026. godine od strane Općinskog suda u Zenici,
- Ovjerena kopija Uvjerjenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-4519-2/20 od 07.09.2020. godine od strane Uprave za indirektno-neizravno oporezivanje BiH,
- Ovjerena kopija Uvjerjenja o registraciji poreznog obveznika od 01.09.2020. godine od strane Kantonalnog poreznog ureda Zenica, Federalno ministarstvo financija – finansija,
- Ugovor o vađenju materijala iz vodotoka Krivaje na lokalitetu Pjenovac, 14 km uzvodno od Zavidovića, grad Zavidovići – LOT 9 (kopija),
- Rješenje o prethodnoj vodnoj saglasnosti broj: UP-1/21-1-40-124-4/26 od 21.04.2026. godine, izdato od strane „Agencije za vodno područje rijeke Save“ Sarajevo (kopija),
- Izjava vlasnika o ustupanju k.č. 1224/4 i 1686/7 K.O. Kučara, k.č. 1727/1, 1727/7, 1727/10, 1714, 1727/5 i 1727/8 K.O. Džaja, grad Zavidovići, za potrebe deponovanja izvađenog materijala, prilikom vađenja materijala iz rijeke Krivaje (kopija),
- Saglasnost UG sportskih ribolovaca „KRIVAJA“ Zavidovići, broj 23/26 od 06.07.2026. godine (kopija),
- Posjedovni list broj 1362, broj: 06/6-30-2024/26-32 od 01.07.2026. godine, Služba za upravu geodetskih, imovinsko-pravnih poslova i urbanizma, grad Zavidovići (kopija),
- Elaborat – Vađenje materijala iz vodotoka Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9, urađen od strane „IBIS“ d.o.o. Zavidovići, juni 2026. godine (dva primjerka i jedan CD),
- Dokaz o uplaćenju upravnoj taksi.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti broj: UP-1/21-1-40-124-4/26 od 21.04.2026. godine, koje je izdala „Agencija za vodno područje rijeke Save“ Sarajevo.

U narednom tekstu su pobrojane tačke u kojima su propisani uslovi u navedenom Rješenju o PVS i konstatacije vezane za ispunjenje istih:

Tačka 3.1.: Za potrebe izrade ovog Elaborata urađeno je:

- Geodetski snimak aktuelnog stanja na predmetnom lokalitetu sa prikazom i rasporedom materijala koji se uklanja sa elementima iskolčenja profila;
- Grafički prilozi sa poprečnim profilima od PR1 do PR15 u mjerilu M1:100/100 urađenim na prosječnom rastojanju cca 20 m, uzdužnim profilom MJ 1:100/1000 i situacijom MJ 1:1000;
- Radovi bi se vršili korištenjem standardne mehanizacije i na uobičajen način tako što bi se u trakama uklanjao materijal iz korita vodotoka (paralelno sa obalom) od nizvodnog ka uzvodnom dijelu sprudišta;
- Dinamički plan realizacije aktivnosti proizilazi iz člana 8. Ugovora, tj. krajnji rok do 31.12.2026. godine;

- Prezentiran je tabelarni proračun količina materijala koji se treba izvaditi iz korita rijeke Krivaje na lokalitetu Pjenovac, 14 km uzvodno od Zavidovića.

Tačka 3.2.: Priložena je Saglasnost broj: 23/26 za vađenje materijala iz korita rijeke Krivaje na lokalitetu Pjenovac, 14 km uzvodno od Zavidovića izdata dana 06.07.2026. godine od strane UG Sportskih ribolovaca „KRIVAJA“ Zavidovići.

Tačka 3.3.: Pristupni put do lokacije vađenja materijala omogućen je sa lokalnog puta i obuhvata parcele označene kao k.č. broj: 1916 K.O. Donja Svinjašnica i k.č. 1762 K.O. Krivaja, grad Zavidovići kako je i ucrtano u dostavljenom Elaboratu (parcele administrativno pripadaju području Grada Zavidovići). Izvađeni materijal će se direktno odvoziti na deponiju predviđenu na parcelama k.č. 1224/4 i 1686/7 K.O. Kučara, k.č. 1727/1, 1727/7, 1727/10, 1714, 1727/5 i 1727/8 K.O. Džaja, grad Zavidovići, za koje je dostavljena Izjava vlasnika o ustupanju na korištenje. Do lokacije deponovanja omogućen je pristup sa lokalne saobraćajnice.

Tačka 4.: Podnosilac zahtjeva je za potrebe izrade projektne dokumentacije angažovao projektnu kuću „IBIS“ d.o.o. Zavidovići, koja posjeduje ovlaštenje za izradu projektne dokumentacije broj: UP-I-07-21/2-5847/24 od 27.12.2024. godine, prema Pravilniku o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).

Tačka 5.: Podnosilac zahtjeva je priložio svu potrebnu dokumentaciju navedenu pod ovom tačkom Rješenja o prethodnoj vodnoj saglasnosti.

Na osnovu utvrđenog činjeničnog stanja i dostavljene dokumentacije, ovim aktom su, tačkama 4. i 5. dispozitiva Rješenja, shodno odredbama člana 114. Zakona o vodama i člana 7. i 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22) i Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15), propisani uslovi koje je potrebno ispuniti u toku provođenja planiranih aktivnosti.

NAPOMENA: Aktivnost vađenja materijala iz vodotoka je proistekla kao obaveza nadležnih organa za upravljanje vodama propisana članom 81. Zakona o vodama i odnosi se na održavanje vodotoka i vodnog dobra i ne provodi se u cilju formiranja šljunkara i eksploatacionih polja za iskop pijeska i šljunka. Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta

Adnan Bašić, dipl.ing.građ.

- Prilog: *Ovjeran Elaborat – Vađenje materijala iz vodotoka Krivaje na lokalitetu Pjenovac, 14 km uzvodno od Zavidovića, Grad Zavidovići – LOT 9 urađen od strane „IBIS“ d.o.o. Zavidovići, juni 2026. godine, broj projekta: 15-IB-EL/26 (jedan primjerak).*

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „IKAN“ d.o.o. Zavidovići, ul. Mačevci bb, 72220 Zavidovići (Prilog)
- ⓪ AVP Sava, ISV - vodna knjiga
- Sektor 50
- Sektor 40
- Sektor 30
- Oglasna ploča - AVP Sava